

ber constat) per totum penè librum multis rationibus confirmatam, tandem conclusam infert. Primum quidem ex hominis fragili & caduca conditione, ex omnium rerum sine aliqua novitate continua revolutione, ex testimonio experientiae ipsius Ecclesiastis, ex administratione varia & multiplici, & in id quod penitus contrarium & adversum est mutata, ex omnium ordinibus & aetatibus. Ex quibus omnibus concludit, omnia quae sub sole sunt vanissima esse. Quae praeterea de hoc versu observanda sunt, vide supra initio libri.

*VER. 11. Quamobrem potius quam fuerit Ecclesiastes sapiens, praeterea docuerit scientiam populum, & attendens, scrutatusq; concinnaverit sententias multas.*

Sequitur adhortatio ad piùm quemq; , ut in his acquiescens foelicitatem aliunde quam in his caducis rebus quaerat, nec se patiatu horum amore irretitum teneri.

Ubi considerantur rationes, quibus adhortatio fititur praeeuntes, & subsequentes: & ipsamet adhortatio.

De his ordine, ut posita sunt, dicemus. Et primum quidem in universa hac rationum coacervatione animadvertendum est, quam aegrè ab amore hujus mundi, & rerum istarum quae pereunt, abducimur, qui hanc Prophetæ doctrinam tam & copiosè, argumentosa-

Qq 1

sc, &